

## Гуноҳкорнинг тавбаси



16:49 / 26.10.2018 3338

Эркакми, хотинми, қатъи назар ҳар бир мусулмонга тавба қилиш вожибdir. Аллоҳ буюради:

**“Эй, мўминлар, холис тавба қилиб, Аллоҳга қайтинглар. Шоядки Парвардигорингиз сизларнинг ёмонлик-гуноҳларингизни ўчириб, остидан дарёлар оқиб турадиган жаннатларга киритур. У кунда Аллоҳ пайғамбарни ва у билан бирга иймон келтирган зотларни шарманда қилмас. Уларнинг нурлари олдиларида ва ўнг томонларида юрур. Улар: «Парвардигоро, ўзинг бизларга нуримизни комил қилиб бергин ва бизларни мағфират қилгин: Албатта, Сен барча нарсага қодирдирсан», - дерлар (Нисо сураси, 145-оят. Марям сураси, 71-оят. Тахрим сураси, 8-оят. Ҳашр сураси, 19-оят).**

Бу оятда айтилтан «қайтинглар» амри вужиб (зарурат) учундир. Яна Аллоҳ буюради: **“Сизлар Аллоҳни унутиб қўйган бас (шундан кейин Аллоҳ) уларга ҳам ўзларини унуттириб қўйган кимсалар каби бўлмангиз. Улар фосиқ-итоатсиз кимсалардир”** (Ҳашр сураси, 19-оят).

Фосиқлар Аллоҳнинг йўлидан чиққан кишилардир ва икки қисмдан ибортдирлар:

1. Иймонсиз фосиқлар.

## 2. Фожир фосиқлар.

Иймонсиз фосиқлар Аллоҳга ва пайғамбарлариغا ишонмайдилар. Аллоҳнинг тўғри йўлидан чиқадилар, бузуқ йўлларга кирадилар. Бу борада Раббимиз буюради;

**“Фақат Иблис сажда қилмади. У жинлардан эди. Бас, Парвардигорининг амрига бўйинсунишдан бош тортди”** (*Каҳф сураси, 50-оятнинг бир қисми*).

Фожир фосиқ ичкилик ичади, ҳаром ейди, зино қилади ва бошқа хусусларда Аллоҳга қарши боради. Ибодат йўлидан чиқади, маъсият (гуноҳ) йўлига киради. Фақат Аллоҳга шерик қилмайди.

Иймонсиз фосиқ билан фожир фосиқ орасидаги фарқ шудир:

Иймонсиз фосиқнинг ўлмасдан олдин иймонга келиб, то тавба қилмагунча афвга сазовор бўлишдан умиди йўқдир. Фожир фосиқ эса ўлмасдан олдин тавба қилса, афв этилишдан умиди бордир. Чунки нафснинг шаҳвоний ҳою-ҳавасидан юзага келган кичик гуноҳнинг афв этилишидан умид қилиш мумкин. Кибр ва ғуурурдан юзага келган катта гуноҳнинг эса афв этилишидан умид йўқдир. Иблис гуноҳининг асли кибрдан эди.

Шундай бўлгач, эй мусулмон, ўлмасдан олдин ёмон феъл-атворларни тарк этишинг, яхши ва гўзал феъл билан нақшланишинг сенинг зиммангдаги вазифадир. Шунинг учун ҳам Аллоҳ буюради:

**“У бандаларидан тавба-тазарруъ қабул қиладиган, ёмонликларни афв этадиган ва қилаётган ишларингизни биладиган зотдир** (*Шўро сураси, 25-оят*).

Пайғамбаримиз соллоллоҳу алайҳи васаллам буюради:

- Гуноҳлардан қайтиб, ёмон феъл-атворларини яхши феъл-атворлар хирмонига айлантирганлар гуноҳ қилмагандай бўлиб кетадилар.

Абу Ҳурайра ҳикоя қилади:

- Бир кеча Аллоҳ Расули билан бирга хуфтон намозини ўқигандан кейин уйга қараб кетаётган эдим, кўчада қаршимдан бир хотин чиқиб қолди ва менга дедики: – Эй Абу Ҳурайра, мен бир гуноҳ иш қилиб қўйдим. Тавба килсан, яна йўлим очилармикин?

Мен:

- Нима гуноҳ қилдингиз? – деб сўрадим.
- Ғайри шаръий муносабатда бўлдим ва бу муносабатдан бўлган болани ҳам ўлдиридим. – Ўзинг ҳалок бўлибсан, – дедим хотинга, – болани ҳам ўлдирибсан. Сен учун тавба йўли берк.

Бу гапларимни эшитган хотин ақлдан озаёзди. Мен эса жўнаб кетдим. Фақат кейин ўз-ўзимга:

- Мен фатво бердим. Ҳолбуки, Расулуллоҳ ичкарида. Балки, мен янгиш фатво бергандирман. Кириб Расулуллоҳга бу масала ҳақида арз қиласай, – дедим ва унинг ҳузурига бордим. Фатвомни айтганимда, Аллоҳ Расули менга шундай деди:
- Ўзингни ҳам ҳалок қилибсан, хотинни ҳам!.. Мана бу оятлардан хабаринг йўқми эди?

**“Улар Аллоҳ билан бирга бошқа бирон илоҳга илтижо қилмаслар ва Аллоҳ ўлдиришни ҳаром қилган бирон жонни ноҳақ ўлдирмаслар ҳамда зино қилмаслар. Ким мана шу гуноҳлардан биронтасини қилса уқубатга дучор бўлур”.**

**“Қиёмат кунида унинг учун азоб бир неча баробар қилинур ва у жойда хорланган ҳолида мангу қолур.**

**Магар ким тавба қилса ва иймон келтириб, яхши амаллар ила машғул бўлса, бас, Аллоҳ ана ўшаларнинг ёмонлик-гуноҳларини яхшилик-савобларга айлантириб қўюр. Аллоҳ Мағфиратли, меҳрибон зотдир”.**

**“Ким тавба қилиб, яхши амаллар қилса, бас албатта у Аллоҳнинг ризо- мағфиратига қайтган бўлур”** (Фурқон сураси, 68-71-оятлар).

Шунда янгиш фатво берганимни англадим. Расулуллоҳнинг ёнидан чиқдим-у:

- Э воҳ, мендан фатво олган хотинни энди ким менга топиб беради?! – деб фарёд кўтардим.

Болалар: «Абу Ҳурайра жинни бўлиб қолибди!» – дея пичирлашарди. Кейин зир югуриб кетдим ва хотинни топиб, масалани тушунтирдим. У севиниб

чинқириб юборди!

Сўнгра:

- Менинг бир боғим бор, - деди, - уни Аллоҳ ва унинг Расули учун садақа қиласман!

Утбат-ул-ғулом деган бир киши бор эди. Фисқу фужур аҳлидан эди. Бузғунчиликда ва шаробхўрликда унга етадигани йўқ эди. Ана шу фасодчи ва майхўр одам бир кун Ҳасан Басрийнинг даврасига кирди. Ўша онда Ҳасан Басрий мажлисдагиларга:

**“Иймон келтирган зотлар учун диллари Аллоҳнинг зикрига ва нозил бўлган Ҳақ-Қуръонга мойил бўлиш вақти келмадими? Илгари китоб ато этилган эди, сўнг орадан шунча вақт ўтди, энди диллари қотиб қолган кимсалар каби бўлиб қолмасинлар! Уларнинг кўпчилиги фосиқ-итоатсиздирлар!”** (Ҳадид сураси, 16-оят) – мазмунидаги оятни ўқиётган эди. Оятни битиргандан кейин чиройли бир суҳбат қилди, шундай суҳбатки, бутун жамоатни йиғлатди. Шу орада бир ёшгина йигит ўрнидан турди ва Ҳасан Басрийга хитобан шундай деди:

- Эй мўминларнинг энг гўзал ахлоқлиси! Аллоҳ, мендай фисқ-фужур соҳиби гуноҳкорнинг тавбасини ҳам қабул қилишни билдирадими?

- Ҳа, азamatим, агар бошқа бундай қилмаслик шарти билан ёмон феъл-атворларингни тарк этсанг ва Аллоҳдан авф тиласанг, сени ҳам афв этади. Йигит бу сўзларни эшитганда ранги ўчиб, сап-сариқ бўлиб кетди. Ҳар хужайрасининг туклари типпа-тик бўлди. Бир «оҳ» тортиб, ҳушини йўқотди. Ўзига келганда Ҳасан Басрий унга яқинлашди ва шу байтларни ўқиди:

Эй Аллоҳга қарши йигит, осий санғи,

Гуноҳкорнинг жазоси не, биласанми?

Осийларнинг жойи – Саир, Ёнар ўзи,

Шиддатли ўт ичра пишар гўзал юзи.

Малли, ўтда ёнай, десанг ҳақни унут...

Ё ўзингни гуноҳлардан узоқда тут.

*Аллоҳингга қарши гуноҳ қилган бўлсанг,*

*Тавба қилки, гаровдаги оддий қулсан!*

Саир – жаҳаннамдаги етти табақанинг олтинчиси. Шу пайт Утбат-ул-ғулом ҳам бир «оҳ» кўтариб, хушидан кетди. Ўзига келганда Ҳасан Басрийга юзланиб:

- Эй устод, - деди. - Кўп марҳаматли бўлган Аллоҳ мендай гуноҳкорнинг тавбасини ҳам қабул қиласидими?

Ҳасан Басрий:

- Ўзига жафо қилган банданинг тавбасини афви мўл бўлган Аллоҳдан бошқа ким ҳам қабул эта оларди? - деди.

Шундан кейин Утбат-ул-ғулом бошини кўтариб, Аллоҳга уч хил дуо ўқиб ёлворди:

**1.** Аллоҳим, агар тавбамни қабул қилиб, гуноҳларимни афв этган бўлсанг, менга тушуниш-ўрганиш ва ўрганганимни муҳофаза этиш қобилиягини берки, ўзлаштирганим ҳар илмий асосни ақлимда тутай.

**2.** Аллоҳим, менга шундай гўзал бир овоз берки, менинг Қуръон ўқишимни эшитган ҳар кимсанинг - қалби қайғуга чўмган бўлса ҳам - қалбида меҳр ортсин!

**3.** Аллоҳим, менга ҳалол ризқ насиб эт ва ўзим кутмаган жойдан ризқлантириш.

Аллоҳ унинг бу дуолари қабул бўлишини билдириди. Йигитнинг тушуниш қобилияти ва закоси ортди, ўрганганимни ҳеч унутмайдиган бўлди. Унинг Қуръон ўқишини эшитган ҳар киши тавба қилар, ёмон феълларидан воз кечар эди: Ҳар кун уйига бир коса шўрва билан икки лочира келарди. Булар қаердан ва ким томонидан юборилганини ҳеч кимса билмас эди. Бу ҳол ўлимига қадар давом этди.

Бинобарин, ёлғиз Аллоҳ учун ёмон феълларидан воз кечиб, илоҳий ахлоқ асосларига риоя қилганларнинг ҳаёти шундайдир. Чунки Аллоҳ ёмон феълларни тарқ этиб, яхши феъл-атвор билан нақшланган ва гўзал амаллар адо этганларнинг мукофотини бекор қилмайди.

Бир олимдан сўрабдилар:

- Бир кимса тавба қилған чоғида тавбаси қабул қилингандай ё қилинмаганлигини билиши мүмкінми?

Олим шундай жағоб берди:

- Йүк, қабул қилингани ёки рад этилгани тұғрисида кескин бир ҳукм чиқарылиши мүмкін әмас. Лекин қабул этилганини күрсатувчи баъзи бир аломатлар бор:

- 1.** Киши үзіда гунох қилишга майл бўлмаётганини кўради.
- 2.** Қалбидан хотиржамлик кетганини кўради, ҳар нарсада Аллоҳни ҳозири нозир ҳолда топади.
- 3.** Тўғри ва яхши ахлоқли кишилар билан бирга юради, ёмон феълли кишилардан үзини узоқ тутади.
- 4.** Очқўзлик қилмайди. Оз бўлса ҳам ҳалол йўл билан топганига қаноат қиласди. Ўзининг озгина бўлса ҳам ҳалол йўл билан топгани унинг кўзига кўп кўринади, лекин қилған хайрли ва гўзал амаллари кўп бўлса ҳам унинг кўзига оз кўринади.
- 5.** Қалби доимо Аллоҳ фарз қилған нарсалар билан банд бўлади.
- 6.** Динини ёмон-кўзлардан ҳимоя қиласди.
- 7.** Давомий тафаккур ҳолида юради.
- 8.** Ўтмишда қилған гуноҳлари туфайли надомат ичидаги юради.

**Абу Ҳомид Ғаззолий,**

**“Мукошафат-ул қулуб” китобидан**